

民國史料叢刊

1058

張研 孫燕京 主編

文教・教育概況

黑龍江教育日記<二>

 大象出版社



圖書在版編目 (CIP) 數據

民國史料叢刊／張研，孫燕京主編．

鄭州：大象出版社，2009.2

ISBN 978-7-5347-5439-5

I. 民… II. ①張… ②孫… III. 中國—近代史—史料—民國
IV. K258.06

中國版本圖書館CIP數據核字 (2009) 第022264號

民國史料叢刊

張研 孫燕京 主編

文教·教育概況

總策劃 耿相新

責任編輯 楊吉哲 王莉娜

封面設計 劉&王

出版 大象出版社 (鄭州市經七路25號 郵政編碼 450002)

網址 www.daxiang.cn

發行 大象出版社總發行部 電話：0371-63863551

印刷 北京中獻拓方科技發展有限公司

版次 2009年8月第1版 2009年8月第1次印刷

開本 890×1240 1/32

印張 8.25

總定價 180000.00元

若發現印、裝質量問題，影響閱讀，請與承印廠聯繫調換。

印廠地址 北京經濟技術開發區運成街甲6號

郵政編碼 100176 電話 (010) 67889166

K258.0

3

(1058)

民國史料叢刊

1058

張研 孫燕京 主編

文教·教育概況

黑龍江教育日記

八五
V

 大象出版社

陽歷
十月三十號
星期一
四

九月二十二日

庚辰

肇州教育之計畫

閱肇州選民冊人數二萬有奇約計兩選民中其家有學童一人則學齡兒童必在萬人以上每三十餘人爲一班百人則當三班千人則當三十班萬人則當三百班必當豫備師範傳習生三百餘人至少須開師範傳習班四班乃可普及卽本意致書於肇州廳張志瑜太守勸其於陽歷年終放學後陰歷二月開學前設師範傳習所卽以高等小學爲校舍不必另籌校具亦不必另延教習并因林向榮充校長陳希夔劉謙充教員賀地方得人又因城內女學成立勸導設立各鄉站女學由其夫人提倡云

交際

通信

寒暖

天氣

九月二十二日

壬子

九月二十三日

壬子

陽歷
十二月
一號
星期五

九 月 二 十 三 日

辛巳

南路農業學堂基地紀略

南路農業學堂原勘在城牆根因小學當距民居接近也嗣因張學使愛水池附近景物擬仿兩湖書院形勢環水池爲校舍未幾水漸漲遂擬擇其東高原收買街基後又議收買菜園者爲農事試驗場之計畫也仍慮基地不敷遂買民房而中學之地則慶議長所報效爲附郭最大之學校其時派地方官黑水廳估價派工司估價張司使則據以向善後局度支司領款照發事隔三年始報銷則原冊未聲叙爲農事試驗場之田地但指爲南路學堂之基地不知今日所謂東湖別墅者固程將軍張學使相地所收買王議紳等亦與有力也

交際

通信

寒暖

天氣

陽歷
十二月
二號
星期六

九月二十四日

壬午

蘭西女生升學記

蘭西女子兩等小學校係光緒三十四年開辦今年應升學者甚多乃因第十四校早已裁併其餘退學遷居曠課及不能遠離者外僅有升學女生三人韓玉瓓徐鳳鸞楊鳳英年齡俱合性質頗敏家境均屬寒微衣食常有不足之虞遽然遠行按年衣履膳費暨來往川資萬難自備倘若聽其自然女學終無起色請在本縣學款項下酌撥作正開銷不惟升學生能獲進步即未升學生亦有所觀感檢同履歷願書申請升學自應發交省城女師範學校新班肄業並俟呼蘭綏化巴彥海倫等處彙齊核辦

交際

通信

天氣
寒暖

九月二十四日

壬子

九月二十五日

壬子

陽歷
十月
三號
星期日

九月二十五日

癸未

涂學使回江

前日教育會議學生請提前放假選舉事電致長春得學使復電回江面商今日司使回省關於去後文牘惟中學師範請示畢業日期事嫩江府用校長事滿蒙師範學蒙文難於收效請示辦法事又有會計科商請明年正月至六月豫算經費事均一一請示辦法例行公事由周升守杜署守代行者惟以收文簿收電簿呈閱各校惟女師範工程將竣節儉堅固足以報告實業科惟直督咨復孟慶麟查無下落而直隸同鄉則皆知其在農林部供差擬選舉事仍應電請部示

交際

通信

天氣	寒暖
----	----

陽歷
十二月
四號
星期一

九 月 二 十 六 日

甲
申

電教育部詢中學畢業期

北京教育部鈞鑒全省中學校甲乙兩班係前清光緒三十四年二月初九日開學扣至陰歷壬子年底畢業現用陽歷可否於陽歷年底畢業抑或仍扣至陰歷年底之處請電示遵黑龍江提學司印發因中學生今年陽歷五月初一即陰歷三月十五日中學生甫到四十人雖未放暑假然英文教員算學教員屢次更易至十月二十八日即停課溫習是以劉彥遐謂英文程度不及兩年陳存誠歎今年上課只五個月教育會長以選舉期迫學生程度開明究勝於鄉老余以爲諸生年太長國文亦優宜其求用世也甚切

交 際

通 信

天氣
寒暖

九 月 二 十 六 日

壬 子

九月二十七日

壬子

陽歷
十月
五號
星期二

九月二十七日

乙酉

師範數學選科呈送講義

兩級師範學校優級數學選科呈送講義及所用課本凡師範學校通習課如倫理教育心理理論各科皆沿用京師大學講義數學科專習代數幾何三角解析幾何微分學積分學多用科學會刊本物理化學皆就選科所用本摘要講授英文日文所學尙淺隨意科幾等於無圖畫之外又加手工爲江省特色簿記惟商業有此科天文惟湖北時務學堂傳習較早體操傳自日本體育會近則注重兵式體操而國文第一題則由司使請都督蒞堂面試云

交際

通信

寒暖

天氣

陽歷
十二月
六號
星期三

九月二十八日

丙戌

女子師範添班計畫

女子師範學校前年創辦之始由幼女學校豫計四班二百人分四年招足並附設女子小學四班今年因校舍不敷未添班惟購買民房拓充院牆有添班之地是以明年計畫添師範兩班合原有師範爲三班計豫算校長一師範班正教員三副教員三高等小學教員一初等小學教員二監學二庶務文案一月支實銀一千一百兩臨時費則擬添校舍二十間爲講堂之用每間估工料銀一百四十兩尤爲撙節核實每生豫計發書籍需銀八兩並擬第一班添課英文以便將來教授高等小學之用第二班擬加俄文因地與俄鄰亦須兼通俄語也

交際

通信

天氣
寒暖

九月二十八日

壬子

九月二十九日

壬子

陽歷
十月
廿七
號
星期
四

九月二十九日

丁亥

師範數學科聲請本籍服務

此次數學選科師範生多請回籍服務省城魏文彬呼蘭劉培基宋毓珊高炳輝王文治綏化張克慎王昭升文元巴彥郝占卿董連陞董景雲興隆鎮王錫鈞海倫李會文夏文勝傅德林張麟書徐鳴岐餘慶劉政學王文田木蘭劉長海蘭西王槐張純賢大賚張德昌拜泉韓樹相共二十四名今年師範畢業生只有此數曾登堂演說今年師範歸併十一班只存五班欲推廣小學必須傳習師範能每人傳習師範生五十人以上則二十四人所傳習者千人以上庶幾鄉學可以普及且冬期春期休息之日正可爲教育進行之機也

交際

通信

寒暖

天氣

陽歷十二月八號星期五

九月三十日

戊子
立冬

考試師範國文紀略

都督今日十二點鐘蒞師範學校訓勉諸生爲民國服務責任甚重各科學以數學科最爲切實有用宜發展所學以求進化所命試題爲民國教育宗旨以美成教育完成其道德試闡其義此題諸生所應研究前已將教育部令第一冊刊發各屬并發師範生每人一部以資講授大抵昔日教育多言德育智育體育於美育本多疎今年師範學校始加課手工亦係課外兼課諸生前日已讀龍江教育界者於美感宜有所發揮也是夜學使命擬第二題以師嚴道尊說爲應亦以力矯近日之積習也

交際

通信

天氣
寒暖

九月三十日

壬子

十月初一日

壬子

陽歷十二月九號 星期日

十月初一日

己丑

教育部電復選舉勿礙教育

都督電教育部云中等以上各校學生以選舉期迫請提前十一月半放假回籍選舉明年早日開學等情查選舉各法學生惟停止其被選權其選舉權當然存在惟假期既須提前而選舉期接近新舊年假曠日荒課未免過久且各生有選舉權者十之八既放假選舉其無選舉權各生亦無法授課伏思全國學校對於選舉大部必有統一之規定究應如何辦法請電示復旋准電復支電悉學生以修業爲要務若因選舉而廢學業殊悖教育宗旨該生等所請提前放假之處碍難照准本部對於學生選舉之事不日當向參議院提出議案務以勿碍功課爲主俟通過後當即通行各省等因奉此即分行省城中等以上各校遵照

交際

通信

天氣 寒暖

陽歷
十二月
十號
星期日

十月初二日

庚寅

數學選科畢業各員擬題紀略

數學選科畢業臨時中學校長王廷元試倫理教育工業校長陳昭卓試心理
論理女子師範校長馬聲元試圖畫商業學校教員林傳臺試微分積分天文
簿記工業教員馬樹屏試代數幾何三角解析幾何中學教員劉德馨試物理
化學中學教員葛昌頤試英文農學教員郭祖培試日文中學教員富鐵忠試
體操共九人各教員所擬題目械呈司使與本校教員所命題互相採用倫理
中西各一題微積幾何及解析幾何每門只可作兩題其餘每門四題每日試
兩門雖星期日亦不間斷蓋畢業各生思歸心切不遑休息也

交際

通信

寒暖

天氣

十月初二日

壬子

十月初三日

壬子

陽歷十二月十一日
星期一

十月初三日

辛卯

中學甲乙班畢業期

全省中學校甲乙兩班畢業考試分配甲班修身法學通論行政法刑法國際公法憲法經濟博物國文歷史物理化學體操乙班修身英文代數幾何三角歷史化學圖書博物國文法制地理物理經濟手工體操惟中學甲班缺英文算學亦未允是日封呈講義及課本到司即日轉呈并請都督蒞校命題分派教員擬題每日上午擬由八點鐘考起下午由一點鐘考起派員監場并知會議長暨教育總會人員前往會同監試且停課溫習已兩星期之久當速示期也

交際

通信

寒暖

天氣

商業學校開學

今日午刻商業學校開學有學生三十二人校長耿之光教員林傳臺劉樹田率諸生向國旗三鞠躬復向學司及職員來賓三鞠躬至教室學使演說商業開辦之歷史訓勉各員熱心進化由游牧耕稼而進於工商次由商會總協理演說籌集鉅款延請通儒并對於世界商戰之意次由傳甲演說以教員三人均從小學畢業以至高等願各生畢業仍入商科大學以資深造次由耿校長演說勉力服務朱文牘演說會同發起之意次由傳臺演述艱難締造事必成立并講明教育部令教育宗旨勉諸生三年有成乃合影爲紀念之始

日 四 初 月 十

壬辰

陽歷 十二月 十二號 星期二

交 際

通 信

天氣 寒暖

十月初四日

壬子

十月初五日

壬子

陽歷十二月十三日 星期三

十月初五日

癸巳

小學校日課簿辦法議案

教育部部令學生學業成績考查規程第十三條初等小學校高等小學校即以平時之成績評定學業成績不施行試驗但遇必要時亦得施行適宜之試驗等語是平時之成績關係至重教員講授學生有無心得可徵之學生簿記中如商務印書館所印學校日記作文簿算術練習簿圖畫練習簿如果學生能完全無缺不但國文算術圖畫課程可按日考查其操行之勤惰亦可觀修身體育之進退七年前提倡日記不乏勤修之士相繼而起而商業學校開始所用日課簿及受課券尤爲龍江勤學之先導矣

交際

通信

天氣 寒暖